https://www.ssrq-sds-fds.ch/online/tei/ZH/SSRQ_ZH_NF_I_2_1_139.xml

139. Urteil im Streit um das Weiderecht zwischen der Gemeinde Hettlingen und den Einwohnern von Hünikon, Aesch und Riet 1484 März 17

Regest: Felix Schwarzmurer, Landvogt von Kyburg, verkündet in Oberwinterthur das Urteil im Streit um das Weiderecht zwischen der Gemeinde Hettlingen einerseits und den Einwohnern von Hünikon, Aesch und Riet andererseits. Diese hatten den Hettlingern die Berechtigung abgesprochen, ihr Vieh auf den an das Dorf grenzenden Wiesen zu weiden. Vielmehr sei die bisherige Nutzung der Weiden nur aus gutem Willen geduldet worden. Vor dem Gericht der Grafschaft Kyburg wurden fünf Männer mit der Prüfung des Sachverhalts beauftragt. Nach Anhörung der Männer entscheiden die Richter einmütig, dass jede Partei den von ihr beanspruchten Teil des Riets einzäunen, der anderen Seite jedoch zu bestimmten Zeiten Wegrecht einräumen solle. Der Aussteller siegelt.

Kommentar: Bereits 1481 hatte sich die Gemeinde Hettlingen im Streit mit dem Kloster Töss um den Weidgang einem Schiedsurteil unterworfen (SSRQ ZH NF I/2/1, Nr. 114). In der Offnung von Hettlingen aus dem Jahr 1538 wurden die beanspruchten Weiderechte festgehalten (SSRQ ZH NF I/2/1, Nr. 280, Artikel 8).

Die von dem Schreiber verwendeten diakritischen Zeichen lassen sich nicht immer zweifelsfrei unterscheiden. Zur besseren Lesbarkeit des Textes wurde in Zweifelsfällen gemäss Standarddeutsch normalisiert.

Ich, Feilix Schwartzmurer, ritter, der strengen, fürsichtigen unnd wisen burgermeisters unnd råte der statt Zürich, miner lieben heren, vogt zu Kyburg, tun kund menglichem mit disem brieve:

Als sich ettwas zit vordrung unnd sprüch gehalten haben zwüschen vogt, richtern unnd gantzer gemeind gemeinlich des dorfs zu Hettlingen an einem unnd den insåssen gemeinlichen der dryen flecken Hunikon, Åsch unnd Riet an dem andernteil, darrurende ettlicher geträt unnd vichweid halb, so die yetzgemelten dryg flecken in wisen halb, die an Hettlinger wisen anstössig sind, den selben von Hettlingen mit irem våhe zů nutzen unnd zů gepruchen verbotten, dargegen aber die von Hettlingen vermeint haben, inen solch verbott unbillich beschåhen sin, dann sy unnd ir vorfarn yewelten vermelter weide mit irem vihe genossen unnd genutzet, das sy daran niemand gesumpt hab, das aber die vorgenanten dryg flecken verantwurtend, die von Hettlingen hetten des kein gerechtikeit, sonnder wer inen sölcher gebruch von inen unnd iren vorfarn uß gůttem willen unnd keiner ander meinung zůgelaussena etc, darumb sy dann zů beidersit vor mir unnd der genanten miner herren graufschafft gericht zů recht gewesen sind unnd danntzemal nach clag, antwurt, red unnd widerrede mit urteil erkennt worden ist, das fünff erber man usser dem gerichte uff den vermelten spann sich fügen unnd demnach gstalt der ding besichtigen unnd beder obgemelten parthyen gerechtikeit daruff ermessen, unnd wie sy die sachen spennig erfunden, sölchs widerumb fur gericht ze bringen, innhalt der selben urteil etc.

Unnd als ich uff hut datum abermäls an statt unnd innamen der genanten miner herren zu Oberwinterthur offennlich zu gericht gesessen bin unnd die 40

5

10

15

vorgeschriben fünffman vermelten spann für offenn gericht gepraucht unnd by iren geschworen eiden eroffnet, wie sy die sachen erfunden unnd nach iren verstentnüß ermessen, daruff nun die obgenanten parthyen beidersit die sachen zü recht gesetzt unnd der urteil mit entlichem entscheid begert haben. Also haben sich die richter des vermelten gerichtz nach miner frauge uff beiderteil clag, antwurt, ouch verhörung der bedauchten fünffman einhellenklich zü recht erkennt, das die obgenanten von Hettlingen, desglichen die insässen zü Hünikon, Åsch unnd Riet yederteil ir vichweide, daruff sy unnd niemand ander zefaren gerechtikeit vermeinen zehaben, vor dem andern nach billichen dingen inzünen unnd nach sölchem zünen enandern demnach daran mit irem venelter weidhalb ungesumpt laussen sölle. Doch sol yederteil dem andern über die selben ingezünten wisen zü billichen zitten, wann sich das notturftlich gepürt, weg unnd steg geben.

Diser urteil begerten die obgenanten von Hettlingen^c einen urteilbrieff, der inen zegeben mit urteil erkennt ward.

Hierumb zů offem urkund hab ich min insigel von des gerichtz wegen, den obgenanten minen herren von Zurich an ir herlicheit unvergriffen, ouch mir unnd minen erben ŏne schaden, offennlich gehengkt an disen brieff, der mit urteil geben ist uff mitwochen vor dem sonntag oculi in der vasten, nach Cristi gepurt viertzehenhundert achtzig unnd vier jare.

[Vermerk auf der Rückseite von Hand des 16. Jh.:] Hettlingen

Original: PGA Hettlingen I A 2; Pergament, 38.0 × 22.0 cm (Plica: 5.5 cm); 1 Siegel: Felix Schwarzmurer, Wachs, rund, angehängt an Pergamentstreifen, bruchstückhaft.

Original: ZGA Hünikon I A 5; Pergament, $35.0 \times 24.0 \, \text{cm}$ (Plica: $5.0 \, \text{cm}$); 1 Siegel: Felix Schwarzmurer, nur Siegelschlitz vorhanden, fehlt.

- a Textvariante in ZGA Hünikon I A 5: nachgelaussen.
- b Auslassung in ZGA Hünikon I A 5.
- ^c Textvariante in ZGA Hünikon I A 5: Hunikon.